

【國家社會科學基金重大項目】

何建明 主編

中國地方志
佛道教文獻匯纂

人物卷

(34)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(34)



國家圖書館出版社

勅修浙江通志卷二百一

仙釋四

衢州府

晉

吳猛

許旌陽化錄字世雲濮陽人仕吳爲西安令囚家

親也年四十得至人丁義神方繼師南海太守鮑靚復得秘法吳黃龍中天降白雲符授之道術大行嘗

見暴風驟發書符擲屋上有青鳥脚去風卽止或問其故答曰南湖有舟遇此風中有二道士呼天求救

故以此止之驗之果然海鹽令千慶歿已三日猛曰令數未盡當爲訟之於天遂臥屍傍數日與慶俱起

慶弟著作郎寶威其異遂作搜神記行於世永康二年復還西安十月十五日遂乘白鹿車與弟子四人

白晝冲昇宅號紫雲府晉書猛還豫章江以白羽扇畫水而渡

力參斤工通志

卷二百一 仙釋四

二

王質

洞仙傳東陽人入山伐木見石室中有數童子圍棋質置斧柯觀之童子以一物如棗核與質令含

咽便不覺饑渴童子云汝來已久可還質取斧柯爛已盡便歸家計已數百年爛柯山志質隨雲出山迷失歸路沿溪累日至舊居見鄉間半爲坵隴與弟貴復入此山不知所終或謂其弟兄咸得道云

唐

詹妙容

名勝志番陽女子唐貞元初修真於須江縣之筋竹山楮衣木食騰空而逝

鄧去奢

續仙傳衢州龍邱人家九峯山下少入道年三十餘居處州松陽縣安和觀觀北五里有卯山

高五十餘丈相傳漢張天師及葉靜能皆居此山修道去奢慕前事結菴以居朝夕焚修山東南有一方石濶二丈餘平若砥常坐其上拱默靜想一旦感神人謂曰天師有斬邪劍二口并叛貯丹在此石下可取之去但勤修無怠去奢取劍乃天師七星劍丹如麻子紅色光明去奢自服及施人疾皆愈時麗水人華造因中和間荒亂之後擁土人據巖險聞去奢神與劍丹乃以兵圍其山奪其劍丹而囚去奢於空室

中一月不與之水及開室見顏狀紅白愈於來時造
驚異送去奢歸山留其劍丹一夜風雷飛鳴劍丹仍
歸石下居山十五年常見龍虎異鳥行於庭際又從
道士寄宿夜聞去奢所居室若與人談竊窺之惟聞
異香滿室及環珮聲或見有戴遠遊冠絳服螺髻垂
髮碧綃衣男女四人對坐侍從皆玉童玉女光明照
身復有神人遠立於側道士乃虔敬之一日告道士
曰恐當離此山不長相見也後數日有綵雲鸞鶴輶
輿幡幢迎去
奢昇天而去

徐簡

宏治衢州府志景靈宮道士修煉
於嚴之烏龍山既得道白日仙去

道義

高僧傳衢州人開元中至清涼寺粥院居止典座
普請運柴義將竹鞋一緇轉賣人荷擔因披三事

衲衣東北而行可五里於楞伽山下逢一老僧引一
童子前行乃相隨入寺見大閣三層上下九間總如

金色閃爍其目老僧令義早還辭出寺行及百
步迴顧惟是山林乃知化寺也義後不知其終

惟寬

景德傳燈錄衢州信安人姓祝氏年十三見殺生
者靈然不忍食乃求出家初習毘尼修止觀後叅

大寂乃得心要唐貞元六年行化於吳越間元和四年憲宗詔至闕下白居易嘗詣師問曰既曰禪師何說法師曰無上菩提者被於身為律說於口為法行於心為禪應用者三其致一也十二年二月升堂說法訖就化勅諡大徹禪師

藏真

高僧傳俗姓程衢州信安人造長沙嶽麓投靈智律師刺染尋於武林開元寺受具足因聽律範旋

窮篇聚語同業曰教門繁廣然有總門總門之急勿過捨筏遂徧參禪宗遇馬素門下高足住龍牙山知虞法器告之曰蘊界不真佛生非我子之正本復從誰得真一言領會却迴柯山大中六年郡牧崔壽重之於龍興寺別構禪室延居之乾符六年終

利蹤

釋氏稽古畧澶州人姓周氏出家幽州開元寺依年受具入南泉室抵衢州馬蹄山至開成二年邑

人翁遷貴施山下子湖創院以居廣明元年入寂塔於本山指月錄初子湖山下有陶家無子夫婦日夕焚禱師過而問曰爾何所祈陶告之故師曰汝施我竹我施汝子陶遂施竹其夕感異夢隨舉一男衆因

號神力
禪師

慧聞

高僧傳信安人多勸勉營那以福業爲最嘗於潯江鑄丈八金身像有清溪縣夫妻二人將齋鑑來

香聞爲咒之曰此鑑鼓鑄吉當佛心前乃是夫妻發心之至迨脫模露像果然鑑當佛心又嘗往豫章勸化獲黃金數銖俄遇賊劫聞其金水中曰慮損君平福田請自撈撓賊泳水求之不得及聞到州金已在其院中山路虎豹或逢之將杖叩其腦曰汝勿害吾造功德明日虎銜野猪投高前弭尾而去

五代

儀宴

十國春秋湖州許氏子生於唐乾符三年開運中遊江郎巖觀石龕謂弟子慧興曰予入定此中汝

當壘石塞門慧興如所戒明年啓視素髮被肩胸尚煖徐自定起了無異容已復回信安烏巨山侍郎慎知禮鎮衢州命僧守榮詰其定栢儀宴殊不與辨守榮禮像得舍利數枚嘆曰宴公真不可以淺測也忠懿王一夕夢師來見遣使圖像至適王患目疾展像作禮目疾頓瘳因賜號開明禪師宋太宗召對便殿

言禪定事深契上旨久之得請還
山淳化元年卒壽一百五十歲

遇緣

五燈會元衢州南禪遇緣禪師有俗士號鐵腳者
忽騎馬至僧問師既是鐵腳爲甚麼騎馬師曰腰

帶不因遮腹痛幞頭豈是禦天寒又問師和尚恁麼
後生爲甚麼却爲尊宿師曰千歲祇言朱頂鶴朝生
便是鳳凰兒上堂有僧問衆手淘金誰是得者師曰
谿畔披沙徒自困家中有寶速須還曰恁麼卽始終
不從人得去師曰饒君便有
擎山力未免肩頭有擔瓶

宋

王自然

名勝志天童八仙山道士葉家修煉於此有道
行能致雷雨元祐間卽其所居建玉霄宮初縣

前池多蛙黾樓多蛟縣令請
自然驅之遂絕至今猶然

陳應祥

云治衢州府志字知明政和間試修文輔教科
授凝神殿校籍嘗詔爲高麗國教師尚書毛友

以詩送之應祥能詩手抄爲二十卷於太
虛觀側卓菴程公俱名以常清靜且銘之

繆道者

宏治衢州府志西安之原口山多猛獸阻險往來者沿崖攀木側足以行春夏水溢則病涉道

者來居甘泉寺鑿山開道遇虎狼則手撫之使去熙寧間以火目化今號金川聖者

劉鐵磨

名勝志宋比邱尼嘗參于湖禪師師曰汝是劉鐵磨乎曰不敢師曰左轉右轉尼曰和尚莫顛

倒因有悟其後尼乃倒化

道行

五燈會元衢州烏巨禪師處州葉氏子依普照英禪師得度去叅佛眼一日問舉元沙築著脚指語

遂大悟羅湖野錄程待制智道曾侍郎天游寓三衢與烏巨行禪師爲方外友曾嘗於坐間舉東坡宿東

林偈溪聲便是廣長舌山色無非清淨身夜來八萬四千偈他日如何舉似人間行曰此老見處如何行

曰可惜雙脚踏在爛泥裏曾曰能料理否行曰溪聲廣長舌山色清淨身八萬四千偈明明舉似人二公

相顧嘆服指月錄師示疾教授汪喬年至師以後事委之示以偈曰識則識自本心見則見自本性識得

本心本性正是宗門大病注曰爛泥中有刺莫道不疑好黎明沐浴更衣跏趺而逝

元

趙友欽

宋藤草象新書序鄱陽人或曰名敬字子恭或曰友欽其名弗能詳也世因其自號稱為緣督

先生習天官遁甲鈴式諸書一日坐芝山酒肆中逢修眉方瞳者索酒飲異而卽之相與談元頗久出囊中九還七返丹書遺之臨別問姓名曰吾扶風石得之也自是往東海上獨居十年注周易數萬言復棄去乘青騾往來衢婺山水間旅中之費未嘗乏絕竟不知爲何術倦遊而休泊然而化葬於龍游之鷄鳴山名勝志緣督著有仙佛同源金丹正理

周德清

宏治衢州府志女冠也元初人少於振塘洞石溪遇異人啖以蘿蔔遂不食烟火夜不假寢垂

七十後尸解至正間賜號靖應散人

世愚

兩浙名賢外錄西安人姓余氏母夢觀音送童子而生天資超悟聞法便了日據禪牀而坐兀如枯

株當其研味寢食不覺偶聞證道歌豁然大悟遂窮止巖息影大慈山者十六年輪下常滿賜號宏辨大

師有二
陰語錄

明

張柏亭

兩浙名賢外錄西人爲元妙觀都記永樂間奉勅建武當山宮觀應詔住元天玉虛宮時遇

興人授以葫蘆柱板各一常施藥并五雷正法救濟祈禱輒驗後還衢日跨青牛出入自號祈道道人

梁用先

正德江山縣志號惟一子永樂間自京還至武林大旱自示能雷雨大書聯曰三日登壇三日

雨一聲號令一聲雷及期不雨衆且訶之用先乃散髮咒符叱官吏跪壇下須臾雷電交作大雨如注滄

浸百里而西湖之水涸矣其族子壯得五雷秘法能祛邪治病祈晴雨大著靈異

無涯

宏治衢州府志族姓吳禮傑峯爲師明禪教博通陰陽地理之書永樂五年召赴京師授僧錄司右

闡教賜金襴袈裟

非幻

正德江山縣志寶陀菴住僧諳儒書精地理嘗應召相地天壽山太宗奇之賜以金紫永樂十八年

秀參所工通志

卷二 一 仙釋四

五

遣使者祭其墓贈五官
靈臺郎僧錄司右闡教

嚴州府

上古

桐君

名勝志上古有桐君者止於今縣東二里山隈桐樹下枝柯偃蓋蔭蔽數畝遠望如廬舍或有問其姓者則指桐以示之因名其人爲桐君其山亦曰桐君山或曰黃帝時嘗與巫彭同處方餌有藥錄一卷行世久而無傳

三國吳

陳惲

嚴陵志字子厚桐廬人富陽侯碩之子仕至黃門侍郎征寇將軍封餘杭侯有仙術能興水工嘗於餘杭一夕築九里塘不假人力而成今桐廬南北二鄉多陳侯廟卽惲也

唐

許宣平

續仙傳新定人景雲中負薪以賣常掛一花瓢及曲竹杖每醉行吟曰負薪朝出賣沽酒日西

歸時人莫問我穿雲入翠微好事者多誦其詩傳舍是處題之天寶中李白東遊覽詩嘆曰此仙人詩也

五色線咸通中許明奴家嫗入山採樵見一人坐石上方食桃甚大謂嫗曰我許明奴之祖宣平與汝一

桃食之不可將出嫗食桃後口漸童顏入山不歸行疾如飛

施肩吾

神仙通鑑字希聖睦之分水人家嚴陵七里瀨元和十五年登進士第太和中自嚴陵入西山

訪道棲真初遇旌陽授以五種內丹訣及外丹神方後再遇洞賓傳內煉金液還丹大道於是終隱西山

所爲詩文甚多所傳未十之四白玉蟾跋施華陽文集云李真多以太乙刀圭火符之訣傳之鍾離權鍾

離權傳之呂洞賓卽施之師也施曾授上足李文英十六字世罕知者一靈妙有法界圓通離種種邊尤

執厥中予偶得之并以告胡棲真使補其遺云陸游

修心鑑跋高祖太傅公嘗退朝見異人行空中足去地三尺許邀與俱歸則古仙人嵩山栖真施先生肩吾也因授鍊丹辟穀之術

徐道士

嚴陵志唐末居清溪縣天樂觀年八十餘夢大羅天賜詩因白衆尸解而去

稠錫和尚

虎蒼唐開元間稠錫禪師卓錫義興南嶽忽膝間聞嬰兒聲師曰有是緣哉即卓錫而蒼

前稠本自開遂納衣服數種於內復卓錫而木舍人號爲稠錫和尚因下山得一婆婦遂留爲偶生二子一日晨炊進羹妻辭以羹盡師笑曰非羹盡乃緣盡也復取衣錫歸寺衆謂不納一日偕一虎至僧衆怖走師招之曰勿怖今欲與汝輩決去留耳吾果不能住此虎當斃我如可再居此虎即繞身三匝言未已虎行如數衆俱請止菴前有池師隨剖腹洗腸而入演法集衆遂成大刹後飛錫至黃巖白龍山有神侍立其左右黃巖誌云師名清晏續文獻通考稠錫桐廬人

慧朗

高僧傳遂安人年二十有二至剡溪石城寺見一禪翁鵝髮冰膚目如流電同行十數里憩林樹下

指朗曰法常寂然何必隨遠宜歸本生度無量衆言畢求之無方豁然本心悟佛知見乃歸故邑慧安寺一日泰望山林木振動俄有大龜呈質咸謂此何祥也時有禪僧曰晉自會稽雲門而來身長八尺四寸

高鼻大目睛光如日明大品思益經摩訶經衆經
僧也大經應乎此矣明祕菩薩行請爲師嘗徵諸
經義答曰如日照帶火海沃牛跡嘗深器之一夕忽
觀神光從頂而出旁燭山川盈十數里嘗由茲反拜
請朗登座道俗欣然各歎曰昔山之震動龜之效祥
非警公之應明矣開元八年歙州長史許思恭請往
治所朗升法座熊伏於
前聞鐘而來衆散而去

省躬

高僧傳桐廬人投聖德寺於毗尼道學時溫習
擇名師得姑蘇開元道恒師恒曰吾得躬也門人
曰益親晚赴維揚之名廣訓徒焉躬復高儒學作
頌極多以其會化刊講故呼淮南記主白號清冷山

沙門

少康

名勝志貞元中乞食睦州城中每得錢卽誘小兒
念佛號一聲與以一錢因於高峯建道場集衆念
佛衆咸見佛出康口中坐化之夕

有光照烏龍山山色爲之變白云

道明

五燈會元睦州陳氏子因往開元寺禮佛見僧如
或知歸白父母出家爲僧持戒精嚴學通三藏遊

方契旨於黃蘗四衆請止觀音院常百餘衆經數十載學者叩漱隨問遠答詞語峻拔由是諸方歸慕咸以尊宿稱後歸開元織蒲鞋以養母故有陳蒲鞋之號巢寇入境師標大草屨於城門巢欲棄之竭力不能舉嘆曰睦州有大聖人舍城而去嚴陵志雲門林際禪宗兩派皆出於明故楊傑爲之頌曰指將林際叅黃蘗接得雲門嗣雪峯宋元符三年錫號悟空禪師

五代

文益

萬歷嚴州府志俗姓魯餘杭人七歲依新定智通院全偉禪師落髮其後三坐道場諸方叢林咸遵

風化釋氏稽古畧住建康清凉寺唐主邀師觀牡丹花請師賦詩師應聲曰擁毳對芳叢由來趣不同髮從今日白花似去年紅艷曳隨朝露馨香逐晚風何須待零落然後始知空至周顯德五年并衆跣趺而逝勅諡大法眼禪師師嗣地藏琛琛嗣云沙備備嗣雪峯禪師宗門尊仰其道曰法眼宗

國朝雍正十二年奉勅加封妙光法眼智藏禪師致祭一次

宋

孫道人

春者紀開居嚴州天慶觀初不挾術言人禍福但袖中膏畜十數白鼠每與人共飲酒酣出鼠

爲戲人欲捕取卽走投袖中了無見也約人飲則就酒家市一小尊酌之不竭人告酒困卽覆尊而去恒家是日必大售紹興三年三月三日觀中士庶駢集道人拱坐告衆曰我今年九十歲暫當小別各勉力事善言訖坐延一郡驚異瘞之城南而塑其像觀中歲餘有商手持書封題甚固云我去年三月三日於成都觀禪事遇一道人云我自嚴州來知子不久回浙幸爲我達於天慶觀尋孫道人入觀見塑像驚禮之曰此我成都所見付書人也因共發其藏則空棺矣

唐廣真

續文獻通考嚴州女子既嫁得血疾夢道人與藥服而愈自是與夫相離從師修道淳熙中在

郭家食飯次若有人喚者出門逢三仙人引至海邊跨大蝦蟇渡海因隨遊名山仙人曰汝欲超凡入聖耶留形在世耶棄骨成仙耶對曰有母在願終養遂與丹一粒吞之自是不食米後召入德壽宮封寂靜

功參新工通志

卷二下 一仙釋四